

TESTUA ETA ARGAZKIAK



Mikel Arrizabalaga
(Donostia-Eibar, 1957)

Egunkaria, Berria eta Gara egunkarietan, Pyrenaica, Euskal Herria eta Nora aldizkarietan eta Euskadi Irratian mendiarekin zerikusia duten makina bat artikulua eta kolaborazio egin ditu. Euskal Herriko mendietan ez ezik, Pirinioak, Alpeak, Atlas eta Himalaiako mendietan ibilia da.

Cervino edo Matterhornen ikuspegia Leisee lakura doan bidetik

MENDITXIKI - SUITZA ZERMATTEKO BOST LAKUAK

Asko dira Zermatt herri polita inguratzen duten mendi ibilaldiak, baina, zalantzarik gabe, erakargarrienetako bat berezko forma, kolorea eta nortasuna duten Zermatteko bost lakuen ibilbide zirkularra da. Bertatik, Matterhorn edo Cervino mendi ezagun eta ederraren ikuspegiaz gozatzearaz gain, bere silueta laku horietako hirutan islatuta ikusteko aukera izango dugu.

Ibilbide liluragarri honen hasiera puntura bertaratzeko modurik errazena Zermattetik Sunnegara garamatzan lurpeko trena hartzea da, bertan hasten baita mendiko bost laku ederretatik igarotzen den ibilbide ikusgarria. Trenetik jaitsi orduko informazio-panel batean ikusiko dugu, non laku bakoitzera dagoen distantzia irakurri genezake. Blauherd geltokira iritsi beharko gara lehenik. Oinez

iritsi nahi badugu, hirurehun metroko desnibela igo beharko dugu. Blauherd geltokiraino dauden hirurehun metro pasako desnibel hau saihesteko, bertaraino igotzen den teleferikoa har daiteke haurrentzat ibilbidea samurtuz.


Blauherd geltokira teleferikoz edo oinez heldu, eta hortik, malda nabarmenik gabe eta xenda erosoan zehar, aintziretako lehenera iritsiko gara, *Stellisee* lakura hain

zuzen ere. Laku ederra da, Cervinoko ikuspegi garbi-garbiak ditu, ez baitago landaretzarik, eta lakuaren inguru guztia belar samurrez estalita dago. Lakuan, gainera, arroka bitxi batzuk daude eta eguraldia lakun denean uretan islatutako Cervinoren irudia ikus dezakegu, ispilu baten aurrean egongo balitz bezala. Hau izango da, ziu-rrenik, Cervino mendiaren ikuspegiaz gozatzeko ibilbideko begiratoririk onena.

Stellisee lakua izango da ziurrenik, Cervino mendiaren ikuspegiaz gozatzeko begiratokirik onena

Stellisee lakua inguratu eta pista zabal batetik jaisten hasiko gara *Grindjisee* lakura iristeko. Cervinora begira dagoen beste laku polit hau ez da hain gardena, landaretza dezente baitago lakuaren inguruan eta, gainera, lakuaren altuera Stellisee lakua baino dezente baxuagoa denez ikuspegia ere ez da hain ederra. Ikuspegia hobetzeko, iparraldeko ertzaren hegaletik igo gaitezke pixka bat – bidezidorrik

Arnika



gabe –, postal berean laku txikia eta Cervino mendia batera ikusteko. Balizatatuko bide batetik aurrera egingo dugu *Grünsee* lakuaren ondora ailegatzeko, ibilbidean topatuko dugun hirugarrena, Cervinora begira dagoen beste laku txiki bat. Izenak berak alemanez dioen bezala, ur berdeko aintzira da, baina ez zikinkeriatatik, uraren koloreagatik baizik. Udako egun beroetan jendea ikus daiteke bertako ur hotzetan bainua hartzen.

Hirugarren lakuari bizkarra eman eta berehala iritsiko gara Zee Seewjnu Mountain Lodgera, mendiko jatetxe dotorerara. Maldan behera jarraitu eta ibilbidearen laugarren lakura iritsiko gara, urtegi artifi-

zial moduko bat den *Moosjisee* lakura. Ura Findel glaziarretik jaisten da, eta elektrizitatea sortzeko eta eski-pistetarako elurra egiteko erabiltzen da. Turkesa kolorea lakuaren hondoan dagoen sedimentuaren ondorioa da. Erabat debekatuta dago bainatzea, segurtasun arrazoiengatik.

Moosjisee lakuan erabat debekatuta dago bainatzea, segurtasun arrazoiengatik

Azkenik, ibilbidearen amaieratik oso gertu, *Leisee* lakura igoko gara, malda txiki baten ondoren, Sunnega geltokitik oso gertu geratzen den lakua. Aintzira hau oso jendetsua da, umeentzako parke handi bat ere badago, eta hemen ere jendea bainatzen ikus daiteke uda partean. Inguruaz gozatu eta merezitako atsedena hartu ostean, indar eta bihotz eraberrituta, aldapa txiki batek abiapuntura eramango gaitu.

- SUNNEGA-TIK: 9,5 km (luzera) 495 m (desnibela)
- BLAUHERD-ETIK: 8 km (luzera) 186 m (desnibela)

Cervino edo Matterhorn Stellisee lakutik

